

LANSARIAREN AURRERAKINA

Maiatzaren 12ko [199/2006 Foru Agindua](#), Lehendakaritza, Justizia eta Barne kontseilariak emana, Nafarroako Foru Komunitateko Administrazioaren eta haren erakunde autonomoen zerbitzuko langile finkoendako lansarien aurrerakinak eman eta itzultzeko prozedura ezartzen du. Foru Agindu berak lansarien aurrerakinatarako eskabideak urteroko urriaren 1etik 15era bitarteko epean aurkeztuko direla ezartzen du ([2006ko maiatzaren 19ko NAO](#), [Lehendakaritza](#), [Justizia eta Barne kontseilariak irailaren 18an emandako 728/2009 Foru Aginduaren bidez aldatua](#), [2009ko irailaren 28ko NAO](#)).

AURRERAKINAREN BALDINTZAK (*Ondoko oharrak aurrerakin hau arautzen duten baldintzen eta betebeharren laburpena dira. Beraz, desadostasun edo zalantza kasuetan aurrerakina arautzen duten aginduetan jasotakoak izanen dira balioa dutenak*):

Aurrerakina eskatzen ahalko dute eskaera egiterakoan edo eskaera onetsi eta ordaintzerakoan Nafarroako Gobernuaren nominaren bidez lansaria jasotzen duten Nafarroako Foru Komunitateko Administrazioaren eta haren erakunde autonomoen zerbitzuko funtzionarioek, estatutupeko langileek eta lan-kontratadun finkoek.

Aurrerakinaren zenbatekoa: 3.000 euro.

Eskaerak:

Ereduak: Nafarroako Foru Komunitateko Administrazioaren Erregistro Orokorraren bulegoetan eta Hezkuntza Departamentuko intraneten bidez.

Aurkezpena: 199/2006 Foru Aginduaren 4. artikulua xedatzen duen bezala eskabideak urteroko urriaren 1etik 15era bitarteko epean aurkeztuko dira prozedura administratiboa ahalbidetzen duen edozein erregistrotan, eta Lehendakaritza, Justizia eta Barne Departamentuko Funtzio Publikoaren Zuzendaritza Nagusiari zuzenduko zaio.

Aurrerakinen gaineko ebazpenean zehaztuko dira, hala behar izanez gero, langile onuradunek finantza entitate batekin norbanakoaren maileguaren poliza sinatu beharra eta horretarako izanen duten epe luzaezina. Epe horretan agiriak aurkezten ez dituztenek aurrerakina jasotzeko eskubide guztiak galduko dituzte eta ez dute aurrerakinik berriz eskatzen ahalko hurrengo bi urte naturaletan.

Langileak hurrenez hurreneko hogeita lau hilabeteko kuotetan itzuliko du aurrerakina, diru zenbateko bera eta erantsiriko kosturik gabe itzuli ere.

Lansariaren aurrerakina itzultzen ari den bitartean langileak, edozein arrazoi dela medio, Administrazioa uzten baldin badu edo hilabete batean edo denbora gehiagotan lansaririk jaso behar ez baldin badu, momentu horretan kitatu beharko du itzultzeko falta duen zati osoa.

Baldintza guztiak betetzen direla egiaztatutakoan, Funtzio Publikoaren Zuzendaritza Nagusiko zuzendariak lansarien aurrerakinak ematearen gaineko ebazpena emanen du. Aurrerakinen gaineko ebazpenak eremu bakoitzaren iragarki oholetan eta Nafarroako Gobernuaren intranetean argitaratuko dira.